

Ethica Amoris, Sive Theologia Sanctorum, Magni Præsertim Augustini, Et Thomæ Aquinatis

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput V. Martyrio ultrò se offerre, citra specialem S. Spiritùs
inspirationem, & seclusis certis circumstantiis, non licet.

[urn:nbn:de:hbz:466:1-73203](#)

*suā in tantam utilitatem conversa est, sed op̄i-
tulatione divinā.*

63 Non confert etiam gratiam ex solo ope-
re operantis, uti probat S. Thomas in 4.
dist. 4. q. 3. a. 3. ad 2. & 3. dicens, quod
*baptismus sanguinis effectum liberandi à tota
paena non habet tantum ex opere operantis, id
est (ut ipsemet exponit) ex devotione ju-
stæ voluntatis. Quia quandoque, etiam in
Martyre, tanta non est, ut secundum se lo-
lam, totam penam peccatis debitam ex-
piare valeret; sed hoc etiam habet ex imi-
tatione passionis Christi. Quamvis enim
pena, quam Martyr patitur, in se consi-
derata, non es sit sufficiens ad liberandum
ab omni pena; relata tamen ad causam suam,
passionem utique Christi, efficaciam accipit
à passione Christi, cui Martyr per talem
penam conformatur. Cùmque loquendum
sit de liberatione ab omni culpa, sicut de
liberatione à tota pena, eam profectò bap-
tismus sanguinis non confert ex sola devo-
tione & charitate Martyris, neque ex sola
vi mortis, quam patitur; sed medio quovis
modo, sive (ut Augustinus loquitur) *op̄i-
tulatione divinā*, per quam ipsi excellentiori
quodam modo, specialique Dei favore, ap-
plicatur vis, & efficacia passionis Christi
(cui Martyr non solo dumtaxat affectu,
sed verè & realiter conformatur) quam so-
li baptismo flaminis, vel etiam baptismo
aqua.*

64 Dixi, excellentiō quodam modo: quod e-
nīm martyrium sit majoris efficacie, quam
baptismus aquae, vel flaminis, docet sanctus
Cyprianus in epist. ad Fortunatum, vocans
hoc *baptisma in gratia maius*. Augustinus l.
13. de Civit. Dei cap. 7. dicens, quod non
ianti meriti sunt, qui, cùm mortem differre
non possent, baptizati sunt... quanti sunt hi,
qui mortem differre cùm possent, ideo non di-
fluerunt, quia maluerunt Christum confitendo
finire hanc vitam, quam eum negando, ad bap-
tismum pervenire. Hugo de S. Victore lib.
2. de Sacram. c. 7. *Si salvus est, qui propter
Deum aquam accepit... muliō magis qui pro-
pter Deum sanguinem fudit.* Plus est enim san-
guinem dare, quam aquam accipere. Sanctus
Thomas p... q. 66. a. 12. *Sacramentum bap-
tismi ex dupli principio gratiam operatur, &
ex virtute Spiritus Sancti.... & ex virtute
passionis Christi.* Sed ex utroque pleniū opera-
tur martyrium... Quia si baptismi Sacra-
mentum totam paenam cum culpa diluit, propter si-
guralem representationem passionis, & mortis
Christi; quād magis mirabilem hunc effe-
ctum martyrium operabitur, quod non in figu-
ra, sed reali imitatione Christi passionem &
mortem representat? Aliam hujus rei ra-
tionem ex sancto Anselmo habes suprà
num. 61.

CAPUT V.

*Martyrio ultrò se offerre, citra specialem S.
Spiritū inspirationem, & seclusis certis cir-
cumstantiis, non licet.*

I Ta sanctus Petrus Alexandrinus can. 9. 65
sanctus Cyprianus, atque ex ipso sanctus
Augustinus lib. 1. contra Gaudentium cap.
31. aientes, *disciplinam id prohibere*. Et re-
vera canon 60. Concilii Eliberit. prohibit
eos in numero Martyrum recipi, qui ultrò,
& non lacescunt, idola defruentes occide-
bantur.

Et ratio est, tum quia temeritatem quam-
dam præsumptionemque redolet ultrò se in-
gerere gravissimæ tentationi; cùm tamen
memores nos esse oporteat humanæ fragili-
tatis; ideoque à Christo orare jubeamur, *vigilate & orate, ne intretis in tentationem*, & non
pauci, qui temptationi illi ultrò se ingesserant,
a constantia defecerint, uti de Corintho quo-
dam legitur in epistola Ecclesiæ Smirnensis
ad Ecclesiæ Ponti. Tum quia (ut dicitur
can. 9. S. Petri Alexandrin.) *scripsum est
in Evangelio Marci 13. Tradeni vos in Conci-
liis, & in Synagogis capulabitis. Tradeni
dixi, non vos ipsos tradetis, & ad Reges &
Principes ducemini propter nomine meum; non
vos ipsos duces. Nam nos ipsos a loco in locum
vult transire, dum sunt qui nos persequuntur,
propter nomen ejus, sicut eum rursum dicentem
audivimus: "cùm vos persecuti fuerint in "
in una civitate, fugite in aliam. " Tum
denique quia, ut rursum arguit Petrus A-
lexandrinus ibidem, non vult Christus nos
ad diaboli stipatores satellitēsque configere, ne
iphius quoque multifaria mortis causa simus, ut
non ipsos & asperiores esse cogamus, & opera
mortis feria peragere; sed expectare, & nobis ca-
vere, vigilareque & orare, ne intremus in
tentationem.*

Dixi 1º. *citra specialem S. Spiritū inspi- 67
rationem.* Legimus enim de multis Sanctis,
quorum exempla in suspicione nefas est
adducere, quod ex ea inspiratione ultrò se
ad martyrium obtulerint. Videri potest Eu-
sebius Pamphil. l. 7. Eccles. Hist. c. 11. Et
Nicephorus Calistus l. 7. c. 13.

Dixi 2º. *seclusis certis circumstantiis.* Id 68
enīm in sequentibus circumstantiis licitum
esse praxis Sanctorum ostendit. 1º. ut Mart-
yrum in tormentis deficientium animos
erigamus. 2º. ut grandem ruinam fidelibus
alioquin imminentem avertamus. 3º. dum
infideles ex hoc convertendos prævidemus,
vel fideles alioqui à fide defecturos. 4º. ut
Tyranni audaciam, feritatem, persecutio-
niisque impetum reprimamus. 5º. quoties-
cumque Dei gloria & causa publica magni
momenti id exigit.

CAPUT